

**პასუხისმგებლობის დაზღვევის
სახელმწიფო შესყიდვების შესახებ
ხელშეკრულება #68**

ქ. ბათუმი

24 მარტი, 2020 წელი

ერთის მხრივ, შპს „ბათუმის წყალი“ (შემდგომში – დამზღვევი), წარმოდგენილი მისი გენერალური დირექტორის მარინე გვიანიძის სახით და მეორეს მხრივ, სს „სადაზღვევო კომპანია ევროინს ჯორჯია“ (შემდგომში - მზღვეველი), წარმოდგენილი მისი ფინანსური დირექტორის ლევან კაკულიას სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT200004461 აუქციონის გარეშე ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულება ითვალისწინებს მზღვეველის ვალდებულებას დამზღვევის მიერ ამ სადაზღვევო ხელშეკრულებით განსაზღვრული პრემიის გადახდის სანაცვლოდ გასწიოს წინამდებარე ხელშეკრულების სადაზღვევო პირობები - დანართი #1-ით და დანართი #2-ით განსაზღვრული პასუხისმგებლობის დაზღვევა (მესამე პირის ქონებისათვის მიყენებული ზიანის ანაზღაურება) (CPV კოდი 66516000), ხელშეკრულებით და დანართებით გათვალისწინებული პირობებითა და წესით.

მუხლი 2. განსაზღვრებანი

- 2.1. ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.
- 2.2. მზღვეველი – სს „სადაზღვევო კომპანია ევროინს ჯორჯია“.
- 2.3. დაზღვეული - შპს „ბათუმის წყალის“ წყლის მრიცხველების ინსპექტირების ორგანო.
- 2.4. დამზღვევი – შპს „ბათუმის წყალი“, რომელმაც დადო დაზღვევის ხელშეკრულება მზღვეველთან. დამზღვევი იღებს ვალდებულებას სრულად გადაიხადოს სადაზღვევო პრემია ხელშეკრულებით დადგენილი წესით.
- 2.5. პასუხისმგებლობის დაზღვევა – დაზღვევა, დაკავშირებული ინსპექტირების ორგანოს უფლებამოსილი წარმომადგენლის მიერ პროფესიული საქმიანობის ფარგლებში გათვალისწინებული ვალდებულებების აღსრულების პროცესში მესამე (ფიზიკური ან იურიდიული) ქონებისათვის მიყენებული ზიანის ანაზღაურებასთან.
- 2.6. პასუხისმგებლობის დაზღვევის ხელშეკრულება – პასუხისმგებლობის დაზღვევის შესახებ დადებული ხელშეკრულება შპს „ბათუმის წყალსა“ და სადაზღვევო კომპანიას შორის.
- 2.6. სადაზღვევო შემთხვევა – დაზღვეულის პასუხისმგებლობით გამოწვეული, მის პროფესიულ საქმიანობასთან დაკავშირებული ვალდებულებების აღსრულების პროცესში მესამე (ფიზიკურ ან იურიდიულ) პირის ქონებისათვის მიყენებული ზიანი.
- 2.7. სადაზღვევო თანხა – პასუხისმგებლობის დაზღვევის ხელშეკრულებით გათვალისწინებული თანხის ის ოდენობა, რომლის ფარგლებშიც სადაზღვევო კომპანია კისრულობს ვალდებულებას, აანაზღაუროს სადაზღვევო შემთხვევა.
- 2.8. პასუხისმგებლობის დაზღვევის ობიექტი – დამზღვევის ფინანსური ვალდებულებები, რომლებიც დაკავშირებულია მის პასუხისმგებლობასთან, საქართველოს კანონმდებლობის გათვალისწინებით აანაზღაუროს პროფესიული საქმიანობის ფარგლებში მომეტებული ტექნიკური საფრთხის შემცველი ობიექტების ტექნიკური ინსპექტირების განხორციელების დროს მესამე (ფიზიკური და იურიდიული) პირის ქონებისათვის მიყენებული ზიანი.
- 2.9. სადაზღვევო პერიოდი – ხელშეკრულებაში მითითებული დაზღვევის მოქმედების პერიოდი.

მუხლი 3. ძირითადი დებულებები

- 3.1. ხელშეკრულების დადების საფუძველია და წინამდებარე დაზღვევა, რომელიც ეფუძნება მესამე პირთა წინაშე სამოქალაქო პასუხისმგებლობის დაზღვევის განაცხადში დამზღვევის მიერ მითითებულ ინფორმაციას. თუ მზღვეველს არ მიეწოდა ინფორმაცია და/ან ინფორმაცია შეიცავდა არასწორ მონაცემებს, მაშინ მზღვეველი თავისუფლდება სადაზღვევო ხელშეკრულებით და მის საფუძველზე გაცემული სადაზღვევო პოლისებით ნაკისრი ყოველგვარი ვალდებულების შესრულებისაგან.
- 3.2. წინამდებარე ხელშეკრულების დანართები (დანართი #1 - დაზღვევის პირობები და დანართი #2), წარმოადგენს წინამდებარე ხელშეკრულების განუყოფელ ნაწილს.

მუხლი 4. სადაზღვევო პრემია, მისი გადახდის წესი და პირობები

- 4.1. ხელშეკრულებით განსაზღვრული სადაზღვევო მომსახურებისათვის პრემიის საწყისი ჯამური ოდენობა -3000 (სამი ათასი) ლარი.
- 4.2. სადაზღვევო პრემიის გადახდა ხორციელდება ყოველთვიურად, წარდგენილი ინვოისის საფუძველზე, რომლის წარმოდგენა მოხდება ყოველი მომდევნო თვის არაუგვიანეს 05 რიცხვისა, ანგარიშსწორება მოხდება მიღება-ჩაბარების აქტის და შესაბამისი ანგარიშსწორების დოკუმენტის სრულყოფილად წარმოდგენის შემდეგ.
- 4.3. პრემიის გადახდა მოხდება უნაღდო ანგარიშსწორებით. თანხა, გადახდილად იქნება მიჩნეული მისი მზღვეველის ანგარიშზე ფაქტობრივი ჩარიცხვის შემდეგ.

მუხლი 5. სადაზღვევო თანხა და სადაზღვევო ლიმიტი:

- 5.1. სადაზღვევო პრემია და სადაზღვევო ლიმიტი მითითებულია დანართი#2-ში.

მუხლი 6. მხარეთა უფლება – მოვალეობები

- 6.1. მზღვეველი ვალდებულია:
 - 6.1.1. სადაზღვევო შემთხვევის დადგომის შემთხვევაში, სადაზღვევო შემთხვევის დადგენისა და სადაზღვევო ანაზღაურების ოდენობის განსაზღვრისათვის დამზღვევის/დაზღვეულის მიერ ყველა საჭირო დოკუმენტის წარმოდგენის შემდგომ შეასრულოს დაზღვევით ნაკისრი ვალდებულება დროულად და ჯეროვნად;
- 6.2. მზღვეველი უფლებამოსილია:
 - 6.2.1. დამზღვევის მხრიდან ხელშეკრულების დარღვევის შემთხვევაში შეაჩეროს და/ან შეწყვიტოს სადაზღვევო ხელშეკრულება.
- 6.3. დამზღვევი ვალდებულია:
 - 6.3.1. დამზღვევი ვალდებულია გადაიხადოს სადაზღვევო პრემია სრულად.
 - 6.3.2. დაზღვევის გაფორმებისას "დამზღვევი" ვალდებულია აცნობოს "მზღვეველს" ყველა მისთვის ცნობილი ინფორმაცია, რომელსაც არსებითი მნიშვნელობა აქვს დაზღვევით გათვალისწინებული შემთხვევის დადგომისათვის.
 - 6.3.4. სადაზღვევო შემთხვევის დადგომის შემდეგ შეასრულოს მზღვეველის ყველა მითითება, რაც უკავშირდება სადაზღვევო შემთხვევის ან მოვლენის ასევე ზიანის მოცულობის დადგენას, სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას.
 - 6.3.5. მიაწოდოს მზღვეველს უფლება და შესაბამისად საჭიროების შემთხვევაში გასცეს წერილობითი თანხმობები კანონმდებლობით დადგენილი წესით, იმისათვის რომ მზღვეველმა შეუფერხებლად აწარმოოს მოკვლევა ან/და დამზღვევის/დაზღვეულის და სადაზღვევო შემთხვევის შესახებ ნებისმიერი დოკუმენტაციის მოპოვება სახელმწიფო, კერძო თუ სხვა სახის ორგანიზაციებში სადაზღვევო ხელშეკრულების დადებისთვის, რისკების კონტროლისთვის, სადაზღვევო ანაზღაურებისთვის აუცილებელი ინფორმაციის გადამოწმების და მისი ნამდვილობის დადასტურების მიზნით.
 - 6.3.6. საჭიროების შემთხვევაში გადასცეს მზღვეველს სამუშაოების შემსრულებელი პიროვნების შესახებ ნებისმიერი დოკუმენტაცია, რომელიც დაადასტურებს თანამშრომლის დამზღვევთან შრომით ურთიერთობაში ყოფნას.
 - 6.3.7. სადაზღვევო მომსახურების კოორდინაციის მიზნით გამოყოს მზღვეველთან საკონტაქტო პირი.
 - 6.3.8. სადაზღვევო შემთხვევის დადგომის შემთხვევაში ხელშეკრულებით დადგენილი წესით და ვადებში აცნობოს ამის შესახებ მზღვეველს.
- 6.4. დამზღვევი უფლებამოსილია:
 - 6.4.1. სადაზღვევო შემთხვევის დადგომისას მოითხოვოს მზღვეველისაგან ზარალის ანაზღაურება წინამდებარე ხელშეკრულების შესაბამისად.

მუხლი 7. მხარეთა პასუხისმგებლობა

- 7.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობის, ნაწილობრივ ან არაჯეროვნად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;

7.2. ხელშეკრულების ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.

7.3. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

7.4. პირგასამტეხლოს გადახდა არ ანთავისუფლებს მხარეებს ძირითადი ვალდებულებების შესრულებისაგან.

7.5. ხელშეკრულებით ნაკისრი ვალდებულებების შეუსრულებლობის, ან ნაწილობრივ, ან არაჯეროვნად შესრულებისათვის ხელშეკრულების შეწყვეტის ან/და ხელშეკრულების მოქმედების ვადის ამოწურვის შემთხვევაში, მხარეს დაეკისრება ჯარიმა ხელშეკრულების საერთო ღირებულების 5 %-ის ოდენობით.

7.6. შემსყიდველის მხრიდან შესრულებული მომსახურების შემოწმებას და მიღება-ჩაბარების აქტზე ხელმოწერ უფლებამოსილ პირს წარმოადგენს შპს „ბათუმის წყალი“-ს წყლის მრიცხველების ორგანოს ხელმძღვანელი ვაჟა კახიძე.

მუხლი 8. ხელშეკრულებაში ცვლილების შეტანა და შეწყვეტა

8.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით;

8.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის, ან ნაწილობრივ, ან არაჯეროვნად შესრულების შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4. პუნქტით გათვალისწინებული გადაწყვეტილების მიღების განზრახვის შესახებ, არანაკლებ 5 (ხუთი) კალენდარული დღით ადრე, ხელშეკრულებაში მითითებულ მისამართზე, წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს;

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 9. ხელშეკრულების მოქმედების ვადა

9.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და ძალაშია 2021 წლის 31 მარტის ჩათვლით.

9.2. დაზღვევა ძალაში შედის 2020 წლის 1 აპრილის 00:00 საათიდან და მოქმედებს 2020 წლის 31 დეკემბრის 24:00 საათამდე. მომსახურება უნდა განხორციელდეს 2020 წლის 1 აპრილიდან 2020 წლის 31 დეკემბრის ჩათვლით პერიოდის განმავლობაში.

მუხლი 10. დავების გადაწყვეტა

10.1. მხარეებმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა საკითხების მიმართ.

მუხლი 11. ფორს-მაჟორი

11.1. არც ერთი მხარე პასუხს არ აგებს წინამდებარე ხელშეკრულებით ნაკისრი ვალდებულებების შეუსრულებლობაზე, არადროულად ან/და არასათანადოდ შესრულებაზე, თუ აღნიშნული შეუსრულებლობა, არასათანადო ან არადროული შესრულება განპირობებულია დაუძლეველი ძალის გარემოებათა (ფორს-მაჟორულ გარემოებათა) დადგომის ან/და მოქმედების შედეგად. აღნიშნული ვალდებულება ძალაში შედის დაუძლეველი ძალის გარემოებათა გაუქმებისთანავე.

11.2. დაუძლეველი ძალის გარემოებები გულისხმობს საგანგებო ხასიათის მქონე მოვლენებს, რომლებიც წარმოიქმნა წინამდებარე ხელშეკრულების დადების შემდეგ, მხარეთა (მხარის) ნების გარეშე, კერძოდ: სტიქიური მოვლენები და კატაკლიზმები, ომი, სამოქალაქო არეულობა, სახელმწიფო ხელისუფლების საკანონმდებლო ან/და აღმასრულებელი ორგანოების, საერთაშორისო საგადაზღველო სისტემების გადაწყვეტილებები და ა.შ. რაც შეუძლებელს ხდის მხარეთა სახელშეკრულებო ვალდებულების შესრულებას.

11.3. მხარე, რომელიც განიცდის ფორს-მაჟორული გარემოებების ზემოქმედებას, ვალდებულია დაუყოვნებლივ, აღნიშნული გარემოებების დადგომიდან არაუგვიანეს 3 (სამი) დღის განმავლობაში, წერილობითი ფორმით აცნობოს მეორე მხარეს ფორს-მაჟორულ გარემოებათა და მათი დადგომის შესახებ და

მიიღოს აუცილებელი ზომები ამ გარემოებებით გამოწვეული ნეგატიური შედეგების შესამცირებლად. ანალოგიური მოთხოვნები ვრცელდება აგრეთვე ფორს-მაჟორული გარემოებებისა და მათი შედეგების შეწყვეტის შესახებ შეტყობინებაზეც.

11.4. ფორს-მაჟორული გარემოებების არსებობა დადასტურებული უნდა იქნას ოფიციალური/უფლებამოსილი ორგანოს მიერ გაცემული ცნობით. ამასთან, საყოველთაოდ ცნობილი ფორს-მაჟორული გარემოებები არ საჭიროებს რომელიმე ორგანოს მხრიდან წერილობით დადასტურებას.

11.5. ფორს-მაჟორული გარემოებების დადგომის შემთხვევაში, წინამდებარე ხელშეკრულებით გათვალისწინებული ვალდებულებების შესრულების ვადა გაგრძელდება დაუძლეველი ძალის მოქმედების დროის შესაბამისად.

მუხლი 12. შეტყობინება

12.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება ელექტრონული ფოსტის საშუალებით ხელშეკრულებაში მითითებული მეორე მხარის მისამართზე.

12.2. შეტყობინება შედის ძალაში ადრესატის მიერ მისი მიღების დღეს.

მუხლი 13. მხარეთა რეკვიზიტები

„შემსყიდველი“

შპს „ბათუმის წყალი“

მის: ქ. ბათუმი, თაბუკაშვილის ქ. #19

ს. კ. 245556679

ს.ს. „ლიბერთი ბანკი“

ბანკის კოდი: LBRTGE22

ა/ა GE53LB0113127202632008

ტელ: 595009083

ელ. მის: info@bats.ge

გენერალური დირექტორი:

მარინე გვიანაძე

„მიმწოდებელი“

სს „სადაზღვევო კომპანია ევროინს ჯორჯია“

მის: ქ. თბილისი, ი. მოსაშვილის ქ. #24

ს. კ. 204491344

ს.ს. „ვითიბი ბანკი ჯორჯია“

ბანკის კოდი: UGEBGE22

ა/ა GE87VT7000000048083608

ტელ: 599165555; 577905570

ელ. მის: icgroup@icgroup.ge

ფინანსური დირექტორი:

ლევან კაკულია

დაზღვევის პირობები

სადაზღვევო შემთხვევად განიხილება:

სადაზღვევო შემთხვევა - წყალმომარაგების ქსელზე მრიცხველის დემონტაჟის სამუშაოების შესრულების დროს სხვადასხვა დაზიანების ერთი ან ერთდროულად მომხდარი რამდენიმე შემთხვევა, დამდგარი ერთი და იგივე მიზეზით, რომელიც დადგა დაზღვევის პერიოდის განმავლობაში და გამოიწვია მესამე პირთა ქონების დაზიანება.

სადაზღვევო უზრუნველყოფა:

დაზღვევა ძალაშია მხოლოდ სამუშაო სივრცეში, რაც გულისხმობს სამუშაო ადგილისა და იმ ტერიტორიის ერთობლიობას, სადაც შემსყიდველი ორგანიზაციის წარმომადგენელი ახორციელებს მრიცხველის დემონტაჟის სამუშაოებს.

ქმედება პროფესიული საქმიანობის ფარგლებში მესამე პირთა ქონების დაზიანების დროს:

1. პროფესიული საქმიანობის ფარგლებში მესამე პირთა ქონების დაზიანებისას დაზღვეული ვალდებულია დაზიანების მომენტიდან 48 საათის განმავლობაში შეატყობინოს მზღვეველს ცხელი ხაზის საშუალებით (032 2 20 33 33). შეტყობინება მოიცავს ქონების დაზიანების აღწერას, დაზიანების სავარაუდო მოცულობას.
2. სადაზღვევო ანაზღაურების მისაღებად დაზღვეულმა მზღვეველთან ასანაზღაურებლად უნდა წარმოადგინოს ანაზღაურებისათვის საჭირო დოკუმენტაცია 10 (ათი) სამუშაო დღის ვადაში. დოკუმენტაციის წარმოდგენისას დაზღვეული ვალდებულია შეავსოს მზღვეველის მიერ მისთვის მიწოდებული ფორმა "პრეტენზია ანაზღაურებაზე".
3. პროფესიული საქმიანობის ფარგლებში მესამე პირთა ქონების დაზიანებისას გამოწვეული სადაზღვევო შემთხვევისას, დაზიანებული ქონების მოცულობის დადგენა ხდება შესაბამისი ორგანიზაციის საექსპერტო, აუდიტორული ან/და საშემფასებლო დასკვნის შესაბამისად. სადაზღვევო ანაზღაურება გაიცემა დაზიანებული ქონების მოცულობის დადგენის შემდეგ.

ანაზღაურების მისაღებად წარმოსადგენი დოკუმენტაცია:

სადაზღვევო შემთხვევის დადგომისას სადაზღვევო ანაზღაურების გაცემის საკითხის გადასაწყვეტად, ანაზღაურებაზე პრეტენზიასთან ერთად, მზღვეველს უნდა წარედგინოს შესაბამისი ორგანიზაციის საექსპერტო, აუდიტორული ან/და საშემფასებლო დასკვნა ქონების დაზიანების შესახებ; დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტების ასლი.

ანაზღაურების პროცედურა და ვადები:

სადაზღვევო შემთხვევის დადგომისას ყველა აუცილებელი დოკუმენტაციის მიღების შემდგომ მზღვეველი 10 კალენდარული დღის ვადაში აუნაზღაურებს მოსარგებლეს წინამდებარე დაზღვევის პირობების შესაბამისად განსაზღვრულ სადაზღვევო ანაზღაურებას.

ფასების ცხრილი

1	დაზღვევის ობიექტი	დამზღვევის სამოქალაქო პასუხისმგებლობა მესამე პირთა წინაშე
2	სადაზღვევო რისკები	ქონებრივი ზიანი
3	სადაზღვევო ლიმიტი	75 000 ლარი
4	სადაზღვევო პრემია თვეში	აპრილი - 317,52 ლარი მაისი - 339,42 ლარი ივნისი - 328,47 ლარი ივლისი - 339,42 ლარი აგვისტო - 339,42 ლარი სექტემბერი - 328,47 ლარი ოქტომბერი - 339,42 ლარი ნოემბერი - 328,47 ლარი დეკემბერი - 339,39 ლარი
5	სადაზღვევო პრემია 9 (ცხრა) თვეში	3000,00 ლარი
6	ფრანშიზა (უპირობო)	0 ლარი

სადაზღვევო პერიოდი: 2020 წლის 1 აპრილიდან 2020 წლის 31 დეკემბრის ჩათვლით.